

禮

(四神咒出三十二卷版全書)

諸咒小序

自竺典譯於震旦。而佛咒斯傳。玉笈萃於蘭臺。而仙咒廣播。由來尚矣。然佛咒類皆梵音。不同華言字義亦莫可曉。惟人一心持誦。自獲靈通。歷代法師。謂之秘密不翻。至於仙經所載諸神咒。如斗姥雷祖諸經。間有梵音。亦不多見。其餘則皆四字成文體類風雅。或淨身心。或祛邪魅或解疾厄。或禳星斗。各指一事有韻可叶有義可通。非如佛咒秘密難解。其言約而該。其旨切而要。蓋撮一經之真諦。而以簡括摛辭。故別於經曰咒。咒者祝也。祝之於神。以希默佑又咒者願也。所願從心。靡不成就。又名真言。謂其言之真實不虛。欲人堅心受持也。昔觀音大士白佛言。若人誦持大悲神咒。於現在生中。一切所求。若不果遂者。不得名為大悲心陀羅尼。今余於呂詛咒亦云。但辦誠心。罔不響應。

無我子謹序

目錄

前有小序 斗光度厄護命大神咒經 太上勅演救劫證道經咒 救苦難神咒 滌氛神咒

太極

爾時太上道君。於下元甲子丙寅之歲。正月十五日。在太清仙宮。同諸仙聖 無極太極。至上至真度人妙法。觀見 生於閻浮世界。受諸 說苦惱。晝夜相煎。致身墮劫。不肯回心向善。凡遇歲度。自生阻節。小則營謀不遂。疾病官非。田蠶虛耗。財物破傷。人口不安。盜賊侵害。如此等苦。種種不祥。大則五瘟來染。八難臨身。刀兵殺傷。毒藥自縊。墜落崖塹。橫喪暴殞。為天雷之所擊誅。為水火之所溺焚。為凶人之所刺害。為虎狼之所吞噬。為牢獄禁錮而死。為邪鬼侵犯而亡。或少年夭折。或天數未盡。冤魂牽纏。種種惡報。墮於地獄。受諸苦楚。轉生畜類。永不復人。皆因浮生不忠不孝。無義無仁。貪愛物欲。喪滅身寶。肆恣奸詐。自利損人。心如蛇蝎。機謀不了。雖明則漏乎刑誅。而幽則難逃乎神殛。是以慈悲利益。普示度濟妙法。 生自宜悔悟。各思己躬所造輕重罪過。急向諸天諸地。南北星辰。三宮四聖之前。至誠首謝。無敢再犯前愆。於每月朔望。及三九之日。乃呂祖純陽帝君。下臨人間。遍尋善惡。申奏上

帝。定人果報。若有善信男女。當於是日。與每歲本命六度之期。切須虔誠齋戒。持誦仙經。滌愆謝過。自得安樂。不受諸苦魔障。世人於本命六度。各有所管之神。當於本命之日虔誠頂禮。獻花酌水。隨時新果。陳設威儀。或誦南北斗經。或課仙典。燃點北斗九皇星燈。敬持斗光度厄護命大神咒。可救危急。可解諸愆。生則無諸苦惱。沒則不經地獄。逕生天堂。得大快樂。世人每於九度明暗之期。多生痛楚。甚至性命難全。能於陽九之日。齋沐禮誦仙經。無災不滅。無福不崇。又何慮明暗九度之災。但宜至心悔過。依期投謝。即有感應如響。無有差失。若有善信男女。雖懷信心。不能自持。可命正真道士。代行表章。如式修奉。亦可不虛六度之辰。是大神咒。若人自持一七遍。或二七遍。或三七遍。以至積誦百千萬遍。其功德力莫可稱量。莫可等倫。

即說大神咒曰。

天地相生。聚氣成形。陰陽既合。奚古奚今。綿綿祖炁。來續我身。肝為魂府。

肺乃魄寧。脾孚乎膽。腎交於心。五臟如命。六腑咸聽。三百六十骨節。節節光榮。

八萬四千毛竅。竅竅通亨。血不闕積。脈自周行。惟耳為聰。惟目為明。口司五味。

鼻判臭馨。手肢運轉。足脛動輕。靈光覆照。元神齊欽。星辰朗耀。運度和平。

南極北斗。東垣西神。中天星主。紫微帝君。二十八宿。三台七星。九曜二德。

太陽太陰。擎羊陀螺。罡星指輪。本命降度。部落神丁。三運三限。正照旁臨。

區別分野。統御人群。發乎萬物。品彙歸根。渾符八卦。演布宮禽。在天成象。

在地成形。在人身中。羅列分明。慧光所照。亨吉利貞。夙生今劫。罪障愆因。

憑斯道力。洗滌潔清。安敢再犯。上辜帝恩。一切苦難。悉賴光明。照我身體。

臨我心神。性光早見。精邪潛奔。天神擁衛。凶煞遁形。五星如舍。無患無侵。

使我壽命不斷。枯槁更生。化而復育。舊而重新。如彼江河水。汪洋自運輸。

如彼天上日。不虧而恆盈。如彼月中兔。常搗其餌靈。如彼洞中樹。歲歲得長春。

洪恩溥博。浸灌滋生。一身通泰。諸願從心。災崇即滅。福祿來增。凶穢悉蕩。

吉曜合并。虛無正炁。斯成我真。即父即母。再養我身。降斯法旨。保命護形。

今遵元皇大道科律奉行。急急如律令。

道君說大神咒已。復告諸天聖 曰。是大神咒。能解一切危厄。能消一切大災。能退一切重病。能遠一切惡人。能伏一切魔道。能降一切猛獸。能除一切苦惱。若或有人。於每月朔望。及三九之日。敬持呂祖純陽帝君齋戒。念此大神咒。回心向道。悔過蕩愆。即感帝君化度。善神護身。遇諸險難。即得救解。如斯功德。無量無邊。諸天諸仙。聞是度人妙法。皆大歡喜。同聲讚嘆。作禮而退。

續

爾時玉皇大帝。於庚寅上元之夕。駕五色雲龍。放無極光明。領諸天聖。浮遊三界。遍照十方。還於綠波碧林之苑。陞九龍王曰 取 之牀。瞑目端儀。經一晝夜。左右羣仙聖。俱各心口默寂。帝忽九竅生光。萬毫騰彩。頂現慶雲。旋繞週身。諭諸天帝。各還宮府。獨詔孚佑帝君。汝歷劫數。修持大道。已獲九九之秘。不遭六六之侵。今已身入金闕。位列左輔。凡諸至道。汝其悉言。於是孚佑帝君。端簡趨陛。伏告上帝。臣自遯跡終南。栖心無上。魔端萬種。大道難聞。修持未[○](音董)。幾得復失。況夫道者。擴之包乎天地。收之攝於毫末。千語萬言。莫竟其端。片章寸簡。可通其微。無滅無生。常留今古。若沒若顯。廣度天人。投其旨趣。可階仙阼。得其精微。遂成妙果。是故元陽之初。萬德潛形。天蘊其寶。地藏其精。混混無象。湛湛何名。白氣得之清。 得之寧。日得之光。月得之明。人物得之而長養。草木得之而敷榮。山得之而永奠。川得之而長平。合無可合。分無可分。先天授之。各繼其靈。體虛無之自然。 浩劫之蒙屯。二之而陰陽具其對偶。四之而老少安其序倫。迭週四時。潛運五行。和則雨露。怒則雷霆。至道彰彰。一陽之精。玉帝復謂之曰。如汝所言。至道在處。天地日月。人物山川。無不體戴。無不承受。何以朕昨上元之夕。觀見十方國土。黑黯昏迷。毒氣流行。光明徹處。十無一二。此何以故。汝為宣言。孚佑帝君。上奏帝前。下方人民。其生之初。形肖天地。體備陰陽。秉離之氣而為心。離屬於火。火光炎炎。故能昭融。受坎之氣而

為腎。坎屬夫水。水勢浩浩。故能流通。流通則易至散漫。昭融則易至昏翳。於斯制焉。休生縱逸。夫水火雖剋制相刑。而離中之陰。已包乎坎。坎中之陽。已乎離。其未交之初。如月之去少。既交之後。如寶之。交之有時。不分子午。守之有要。緊閉幽關。似的在射目。不中其心而不已。露垂荷葉。不結其珠而不休。子開以取其陽。午進以避其陰。夫如是。離中之陰翳潛消。坎中之陽德土濟。是水火交矣。水火交而陰陽合。陰陽合而天地以成。便是永固之身。克證無上之果。非藥非汞。乃性乃神。奈世道侵衰。人心離亂。嗜慾日固。私智日鑿。君臣父子各失倫彝。奸盜邪淫。恣逞兇頑。不聞片善。專恣惡孽。糾察神員。鱗集罪案。三尸疊奏。錄成果報。惑於生前之時。遭牢獄枷鎖之牽纏。水火刀兵之劫殺。幽則陰司拷魂。顯則雷部震屍。春夏秋冬。傳染瘟疫。夫妻子母疊受災殃。皆是正教不興。曲學爭起。人迷其宗。以遭塗炭。間有一二修行之士。或受左旁牽引。妄毀正教真宗。以故真玄之道。習俗波靡。清虛之理。隨日休替。凡諸天人。無不慟心疾首。玉文靈符。難解冤愆。此黑黯之所由起。毒氣之所流行也。玉帝聞言。蹶然色變。復謂帝君。有此黑黯流毒。何日止息。若無止息。愈溺愈深。真宗永失。至道難聞。生人致孽。群沾苦惱。如此苦形惡狀。朕不忍觀。汝可廣宣大化。普濟羣迷。收此黑毒。澄清宇內。道法欽揚。天人咸賴。於是孚佑帝君。復拜上奏。黑黯是兇穢之所鼓動。流毒是慘氣之所結成。慾海無邊。孽根堅固。非有靈章難生解冤免。夫此章者。臣昔受之於長生大帝。長生大帝受之於太上道君。其章有四。功德無邊。知之者超昇七祖。克證仙。參之者即通妙道。咸沾利益。持之者神仙擁護。隨所願遂。聞之者災難不萌。吉祥永佩。所有靈章。謹為宣誦。

[鑲地真章第二](#) [證仙章第三](#) [體道章第四](#)

玉帝聞說章畢。慶雲燦處。放十七光明。而說偈曰。
化起從一陽。散珠於天地。誰全龍虎功。能將坎離備。金童弱而脫。
玉女嬌而媚。群魔食寶珠。萬竊奇貝。永墮於酆獄。何殊於異類。
純陽真功德。普化度群迷。靈章闡秘奧。至道不偏遺。天門從此開。
幽戶永不閉。流傳超生死。三教咸依歸。

說偈已畢。即命傳奏等神。遍詔十方聖。諭以靈章微妙。悉受法音。更詔文昌帝君曰。汝職司貴祿。開化九天。可浮遊三界。遍覽十方。清淨壇宇。嚴密道筵。將此靈章。流演於世。人間善男信女。道士比丘。或遇五蠟三元。或於三九三七。隨力然燈燒香。端拜課誦此經。朕則遣有五部

雷神。火師官。護衛誦經。赦一切罪。解一切厄。拔離諸苦。隨所願遂。汝可欽承。廣宣元化。於是孚佑帝君。文昌帝君。再拜稽首。作禮而退。勅下三元。諭諸宮府。信受奉行。

救苦救難神咒

至心皈老祖。求脫人間苦。疾病無纏綿。安寧天擁護。十干十二支。二十八宿主。

天神玉女聞。盡皆降吾杵。寶劍自光芒。殺斬妖敢阻。葫蘆貯靈丹。度盡凡夫苦。

牢獄枷鎖災。水火並瘟毒。刀兵急厄臨。路中逢險阻。一切苦相縈。持此化成土。

隨念隨時來。降我吉星輔。過去盡生方。見存賴恩主。一聲誦永寧。全家伏龍虎。

有此聖靈章。萬魔咸束首。太上呂真君。急急如律令勅。

滌氛神咒

三界如牢獄。生如癰瘡。欲拔一切苦。願作大醫王。

太極先天。混沌大千。兩儀瀰漫。三界渾然。萬神受命。一炁綿綿。哀愍生。

性被慾牽。機巧變詐。忍為不賢。諸神震怒。運劫歷年。水旱瘟戈。滌蕩塵寰。

聲遍野。孽氛叢煙。太乙救苦。聖念惻惻。週行宇宙。無不垂憐。設教闡經。

如駕法船。帝德好生。天語傳宣。等諦聽。免墮孽淵。是大經咒。慧日高懸。

無處不照。晃朗虛玄。若有男女。一念頓專。或誦十遍。或百千遍。縱有孽冤。

不敢相纏。魑魅魍魎。跡遁形潛。藻鑑善心。不被惡遷。地獄縱闊。我念無偏。

明衣潔體。無有間斷。如此恆持。乃可登仙。

呂祖神咒終